

AruParking :

E klemnan ta di bon calidad

ORANJESTAD- **Aru-** parking ta bolbe clarifica cu nos Klemnan ta di hero di bon calidad y mirando cu calidad ta bin cu su costo, esakinan no por wordo considera igual na e klemnan cu por haya riba cualkier website pa hopi menos placa.

Pa loke ta e casonan cu a pasa den ultimo simannan encuanto klemnan mester bisa cu un caso cu un persona a purba di core bay cu e klem pega na su auto, el a declara cu e no tabata na altura cu e klem a wordo pega, cual nos sa cu no ta posibel mirando cu un sticker ta wordo pega riba e auto y tambe e klem ta na e banda cu mester subi drenta den e auto.

Di tur manera e persona aki a lastra e klem pa un bon pida y asina mes e klem no a sufri ningun daño tecnico sino solamente algun daño cosmetico manera rasca na e verf.

Den un otro caso un persona a purba core bay cu un otro klem pega na su auto y den e caso aki tampoco e klem a

sufri daño significativo, sino solamente cu e parti unda e yabi ta situa a haya daño cual ta haci un tiki fastioso na momento di pone of kita e klem.

E caso caminda e 2 personan na altura di Censo a logra kita e klem for di nan auto ta un caso hopi lamentabel, pasobra den e caso aki e 2 persona aki intencionalmente a tuma hopi tempo pa keda bay dilanti y despues patras na hopi ocasion pa asina numa despues di hopi intento bin logra forsa e klem aki pa habri esaki y asina core bay.

Lo cual ta nan suerte ta cu eynan e caso a pasa na un lug a un poco isola y por a tuma nan tempo pa asina causa destruccion na e klem aki y asina por a core bay laga e klem benta atras. Den e caso aki solamente e klem aki a dañ a caminda e la wordo dobla uzando e forsa completo di e auto pa asina logra nan meta.

Den otro nota Aruparking ta mira atras riba algun siman hopi exitoso caminda poco poco por mira con nos automobilistanan ta uzando e vaknan blanco di parkeer mas



y mas y asina tambe dunando comentarionan mas positivo tur dia. Mester bisa cu for di dia cu Aruparking a cuminsa na cuminsamento di september, te cu e fecha di awe hopi ta esunnan cu ta expresa cu awor nan por bay centro di nos ciudad hopi mas facil, mirando cu awor si nan ta haya un lug a di parkeer facil y hopi cerca di nan destinacion.

Tambe mester menciona cu algun trahadonan di centro di ciudad tambe a cuminsa mira e resultado di un lug a fiho di parkeer, mirando cu mainta of merdia no mester core pa tempo basta largo pa haya un

lug a di parkeer na momento di bay traha.

Aruparking kier a invita un y tur tambe pa ta presente den Expo Cas e fin di siman aki venidero, caminda nos lo t'ey pa duna tur tipo di informacion y tambe nos lo tin 2 parkeer meter instala den e lug a pa asina un y tur cu ainda tin duda con pa traha cu nos parkeer meternan por acerca nos y siña traha riba e mashinnan aki.

Pa tur esunnan cu bishita nos booth y registra cerca nos lo bin na remarca pa gana smartcardnan cual nos lo rifa entre tur e bishitantenan cual lo

bin cu un balans di Awg50,- caba riba dje.

Tambe nos lo bende smartcardnan e dia ey na prijs nan special pa asina facilita un y tur pa por yega na un smartcard mesora. Nos ta recorda un y tur cu parkeer lo ta gratis e dianan aki.

Casnan.com a dicidi cu nan ta paga parkeer di un y tur pa asina aki tur hende por bin expo cas sin cu mester corda riba parkeer. Esaki lo ta pa 2 ora y si ta keda mas cu esaki por pasa cerca Aruparking pa haya tempo adicional pa keda para na bo lug a. □